



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-795/13  
Sarajevo, 10.7.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 11-07-2013

Organizaciona jedinica	Klasifikaciona oznaka	Redni broj	Broj priloga
01-50-1-15-		43/13	

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 56. sjednici održanoj 10.7.2013. godine, utvrdilo je Odgovor na zastupničko pitanje koje je postavio Lazar Prodanović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-795/13  
Sarajevo, 10.7.2013. godine

**Lazar Prodanović**, Poslanik u Predstavničkom domu Parlamentarne skupštine Bosne i Hercegovine, na 43. sjednici Predstavničkog doma održanoj 28. 02.2013., godine, postavio je sljedeće poslaničko pitanje:

**„Šta će Savjet ministara BiH učiniti kako bi se popravilo stanje zaštite intelektualne svojine koje investitori analiziraju prilikom izbora zemlje u koju će investirati? Obzirom da smo prema izvještaju za 2012. godinu rangirani na 130. mjesto od 144 zemlje.“**

Na postavljeno pitanje, Vijeće ministara Bosne i Hercegovine je na 56. sjednici održanoj 10.7.2013. godine, utvrdilo sljedeći

**ODGOVOR**

Parlamentarna skupština Bosne i Hercegovine je 2010. godine na prijedlog Savjeta ministra usvojila set zakona u oblasti intelektualne svojine i to: Zakon o autorskom i srodnim pravima, Zakon o kolektivnom ostvarivanju autorskih i srodnih prava, Zakon o patentu, Zakon o žigu, Zakon o industrijskom dizajnu, Zakon o zaštiti oznaka geografskog porijekla i Zakon o zaštiti topografije integrisanih kola. Ovi zakoni su u potpunosti usaglašeni sa Sporazumom o trgovinskim aspektima prava intelektualne svojine (TRIPS) i propisima Evropske unije. Institut za intelektualnu svojinu je donio sve provedbene propise za provođenje ovih zakona. Savjet ministara je na prijedlog Uprave za indirektno oporezivanje donio set od pet odluka o provođenju carinskih mjera za zaštitu prava nosioca prava intelektualne svojine. Time je zaokružen normativni okvir u ovoj oblasti.

Treba imati u vidu da kod prava intelektualne svojine treba razlikovati sticanje prava od provođenja prava. U pogledu sticanja prava kod autorskih i srodnih prava važi princip neformalnosti i ona se stiču stvaranjem autorskog djela. Kod prava industrijske svojine (patent, žig, industrijski dizajn geografske oznake i topografija integrisanih kola) važi sasvim drugačiji princip. Ova prava se stiču u upravnom postupku koji provodi Institut za intelektualnu svojinu. U sistemu provođenja prava nadležan je veliki broj institucija na državnom, entitetskom i nižim nivoima vlasti. Prema postojećem pravnom okviru za carinski nadzor nadležna je Uprava za indirektno oporezivanje, za inspeksijski nadzor tržišni inspektoratu u Federaciji BiH, Republici Srpskoj i Brčko distriktu, za krivičnu zaštitu u oblasti autorskog i srodnih prava Sud BiH i Tužilaštvo BiH, za krivičnu zaštitu u oblasti prava industrijskog vlasništva tužilaštva i sudovi u entitetima a za građanskopravnu zaštitu redovni sudovi u Federaciji BiH i Brčko distriktu i privredni sudovi u Republici Srpskoj. Pored toga u ovoj oblasti nadležne su i policijske agencije na svim nivoima vlasti.

U cilju boljeg provođenja zakona u oblasti prava intelektualne svojine 4. februara 2013. godine započeta je realizacija dvogodišnjeg projekta „Podrška institucijama u sistemu provođenja prava intelektualne svojine“ koji se finansira iz IPA fondova. Kroz projekat bi bila pripremljena sveobuhvatna Strategija razvoja intelektualnog vlasništva sa naglaskom na proizvodničkoj komponenti. Nakon toga bi se izvršila edukacija

službenika u institucijama u sistemu provođenja prava intelektualne svojine. Projektom će se omogućiti stvaranje sistemskih uslova za provođenje specijalizirane obuke za organe za provođenje zakona: sudije, tužioce, inspektore i carinske službenike, te na poboljšanje saradnje i razmjene informacija između ovih organa i svih relevantnih aktera, te na podizanje javne svijesti. Predviđeno je i uspostavljanje Kordinacionog tijela za saradnju institucija u sistemu provođenja prava intelektualne svojine. Konačan cilj projekta je da se uspostavi nivo zaštite prava intelektualne svojine kao u državama članicama Evropske unije. Uspostavljanje efikasnog sistema zaštite i ostvarivanja prava intelektualnog vlasništva je u direktnoj vezi sa stranim investicijama i dugoročno će imati pozitivan uticaj posebno u finansijskoj, ekonomskoj i socijalnoj oblasti kao što su: porast javnih prihoda, privlačenje investicija i zapošljavanje.